

KRISTO TEASEFOƆ NO

ASOMAFOƆ NO ADANSEƆ

YESU KRISTO ASƆRE A ƐWO HO MA NKYIRI-NNA AHOTEEFOƆ

Se yerehye fa de akae Yesu Kristo awoƆ a ɛsiie mfee mpennu a atwamu ko no yi, yedi adanseɛ fa N'abrabo pa a eso mmaa da ne ne papayo a enni awieie a ɛwo ne mpata afɔrebo keseɛ no ho. Onipa biara nni ho a wɔanya tumi keseɛ a ete saa wo nnipa a wɔaba asaase yi so ne wɔn a erebeba no so.

Ɔno ne Yehowa Keseɛ a ɔwo Apam Dada mu no, Apam foroƆ mu Mesaia no. Ɔnam N'Agya akwankyerɛ so na ɔboƆ asaase. "Ɛnam ne so na wɔkyɔ nnoƆma nyinaa; na wɔankwati no annyɔ biribiara a wɔkyɛ" (Yohane 1:3). Ɛwo mu se adeboƆne nni ne ho dee, nanso wɔboƆ No asu de hyee teneneɛ nyinaa ma. "Ɔkyini ɔwo yie" (AsomafoƆ 10:38), nanso wɔbuu No eho animtia. Na N'asempa no ye asem a ema asomdwoee ne adwempa. Ɔsrɛe obiara se ɔnni Ne nhwesɔƆ no so. Ɔnantee fam wo Palestine man no mu nyinaa, saa ɔ yadee, maa anifirafoƆ hunuu adee, na Ɔnyane nyanee awufoƆ. Ɔkyerɛkyerɛe nokore a ɛwo mmeresanten mu, se yen asetena a na ɛwo ho ansa na yereba asaase so no ye ampa, botae a ɛwo yen wiase abrabo ho, ne nkɔsoƆ a Onyankopɔn mma mmарima ne mma mmaa benya wo abrabo a ereba no mu.

Ɔde Awurade adidie no bae se enkae yen N'afɔrebo keseɛ no. Wɔkyerɛe no na wɔde ntwatosoƆ buu No fo, buu no aten sedee nnipa kuo no pe no, na wɔbuu no kum fo se ɔnkɔwu wo Calvary asennua so. Ɔde Ne nkwa maae de pataa adasamma nyinaa boƆne. Na Ne dee no ye odima afɔrebo a ɔde maa obiara a ɔbeba asase yi so.

Yede kommye di adanseɛ se Ne nkwa, a eho hia ye wo nnipa nyinaa abakoƆsem mu no, amfiri ase wo Bethlehem ena anwie wo Calvary. Na ɔye Agya no Abakan, Ɔbabarima a wɔwoo no korɔ wo honam mu, ewiafeƆ nyinaa gyefoƆ.

Na Ɔnyane firii damena mu de "beyee wɔn a wɔadeda no mu aduaba a edi kan" (1 KorintofoƆ 15:20). Se Awurade a Wasrɛe no, ɔkɔsrasraa wɔn a ɔbo wo wo bere a na ɔte ase wo honam mu no. Afei nso ɔkɔsom Ne "nnwan foroƆ" (Yohane 10:16) a na wɔwo tete Amerika no. Ɛnne yi, ɔne N'Agya yii wɔn ho adi kyereɛ abarimaa Joseph Smith,

de hyeneɛ "bere a awiee duro no afisiesie" (EfesofoƆ 1:10) a wɔahye ho bo dadaada no mu.

Ɛfa Kristo TeasefoƆ no ho no, OdiyifoƆ Joseph twereɛ se: "N'ani te se gyaframa; na Ne tirinwi ye fitaa te se sukyerema korogyenn; na N'anim hyeren boro sedee owia hyeren; na Ne nne te se nsuo keseɛ a eresɛn nnyegyee, mpo Yehowa nne, a ereka se:

"Mene mfiaseɛ ne awieie no; Mene ɔteasefoƆ no, Mene dee woƆkum no no; Meye modimafoƆ wo mone Agya no ntam" (Doctrine and Covenants 110:3-4).

"Dee OdiyifoƆ no nso pae mu ka faa Ne ho nie: "Na afei adanseɛ ahodoƆ a yeadi afa ne ho akyiri no, yei ne adanseɛ a etwa toƆ a yeredi afa ne ho: Se ɔte ase!

"Se yehunuu no, se ɔte Onyankopɔn nsa nifa so; na yetee enne bi a eredi adanseɛ se ɔye Agya no Ɔo Ba Korɔ—

"Na efiri Ɔno, na enam Ne so, na eye Ɔno, na ƆboƆ wiase hodoƆ, na nnipa a wɔte mu no ye Onyankopɔn mma mmарima ne mma mmaa" (Doctrine and Covenants 76:22-24).

Yeka no asenhia so se N'asofodie ne N'Asore asan aba asase so—"a ne nnyinasoƆ ne yen—asomafoƆ, adiyifoƆ, na Yesu Kristo no ankasa ye tweaso tiboo titire no fapem so" (EfesofoƆ 2:20).

Yedi adanseɛ se da bi no Ɔbesan aba asase so bio. "Na Awurade anuonyam beyi ne ho adi na honam nyinaa bebom ahunu" (Yesaia 40:5). Ɔbedi adee se Ahene mu Hene na wɔadi hene se Awuranom mu Awurade, kotodwe biara bekoto no na tekyerema biara bekasa de asom no wo N'anim. Yen mu biara begyina ho ama wɔabu yen aten wo yen nnwuma ne yen koma mu apedeɛ ho.

Yedi adanseɛ, se AsomafoƆ a wɔahye da apa yen—se Yesu ye Kris o TeasefoƆ no, Onyankopɔn Ba Barima a ɔrennwu da no. Ɔno ne Ɔhene keseɛ Imanuel no, a enne yi Ɔgyina N'Agya nsa nifa soƆ no. Ɔno ne hann no, nkwa no, ne ewiafeƆ anidasoƆ. N'akwan ye anammɔn a ede yen ko abrabo yi mu anigyee ne daa nkwa wo wiase a ereba no mu. Aseda nka Onyankopɔn wo ne ba kronkron a ɔde no akye yen a eso akyedee bi mmaa da no ho.

ATITENAFOƆ A WOƆDI KAN NO

DUMMIENU KUO NO

Thomas M. Monson
James E. Faust

Boyd K. Packer
Donald B. Matthews
Neal A. Maxwell
Russell M. Nelson
Dallin H. Oaks

M. Russell Ballard
Joseph B. Wirthlin
Richard G. Scott
Robert D. Hales
Jeffrey R. Holland
Benny D. Eyring

Ɔpɛpɔn 1, 2000

YESU KRISTO
ASORE A EWO HO MA
NNA A EDI AKYIRE
AHOTEEFO

